

**UNIVERSITI MALAYSIA TERENGGANU****PEPERIKSAAN AKHIR****SEMESTER II SESI 2018/2019 (SARJANA MUDA)**

<b>KURSUS</b>	<b>:</b>	<b>FIQH IBADAT</b>
<b>KOD KURSUS</b>	<b>:</b>	<b>NCC3010</b>
<b>TARIKH</b>	<b>:</b>	<b>19 JUN 2019 (RABU)</b>
<b>TEMPAT</b>	<b>:</b>	<b>DEWAN SULTAN MIZAN (DSM)</b>
<b>MASA</b>	<b>:</b>	<b>9.00 – 11.00 PAGI (2 JAM)</b>

<b>NO. MATRIK</b>	<b>:</b>	_____
<b>NAMA PROGRAM</b>	<b>:</b>	_____
<b>NO. MEJA</b>	<b>:</b>	_____

**ARAHAN KEPADA CALON**

- i. Kertas ini mengandungi 80 soalan.
- ii. Sila jawab semua soalan dengan menghitamkan jawapan anda pada kertas OMR yang disediakan.

**JANGAN BUKA KERTAS SOALAN INI SEHINGGA DIBERITAHU**

KERTAS SOALAN INI MENGANDUNGI SEMBILAN BELAS (19) MUKA SURAT BERCETAK

Sila pilih jawapan yang paling tepat bagi setiap soalan.

1. Perkataan *fiqh* dari sudut bahasa bermaksud?
  - A. Ilmu
  - B. Tahu
  - C. Faham
  - D. Dalam
  
2. Pilih pernyataan yang **benar** mengenai kaitan antara *fiqh* dengan *aqidah Islamiyyah*.
  - A. Seorang Muslim yang mengamalkan hukum hakam Islam mempunyai pegangan agama yang mudah goyah
  - B. Seorang Muslim yang berpegang teguh pada *aqidah Islamiyyah* pasti akan menurut segala hukum hakam Islam
  - C. Seorang Muslim yang sering melanggar hukum hakam Islam membuktikan bahawa *aqidahnya* terhadap Islam belum cukup kukuh
  - D. Seorang Muslim yang tidak beriman pasti akan patuh kepada hukum hakam Islam
  
3. Pilih pernyataan yang **benar** mengenai maksud *fiqh* dari sudut istilah
  - i. Melaksanakan segala perintah Allah SWT
  - ii. Mengetahui hukum-hukum *syara'* yang berkaitan dengan segala perbuatan dan perkataan *mukallaf*
  - iii. Amalan ibadah seharian umat Islam
  - iv. Hukum *syara'* itu sendiri
  - A. i dan ii
  - B. ii dan iii
  - C. ii dan iv
  - D. i, ii dan iv
  
4. Apakah maksud *mukallaf*?
  - A. Orang yang beriman
  - B. Orang yang berbuat *ma'aruf*
  - C. Orang yang melanggar perintah Allah SWT
  - D. Seseorang Islam yang sampai had baligh dan waras fikiran dan dipertanggungjawabkan segala urusan agama ke atasnya

"*Iaitu mereka yang tetap mendirikan sembahyang dan memberi zakat, sedang mereka pula percaya dengan yakin akan hari Akhirat.*"

- surah al-Naml: 3

5. Maksud ayat al-Quran di atas adalah berkait dengan

- A. suruhan supaya melaksanakan sembahyang
- B. suruhan supaya mengeluarkan zakat
- C. suruhan supaya beriman kepada Hari Akhirat
- D. hubungan antara *fiqh* dengan keimanan

Hukum hakam yang berkaitan dengan hukum yang dikenakan terhadap penjenayah, memelihara keamanan dan peraturan, seperti hukuman kepada pembunuh, pencuri, peminum arak dan seumpamanya.

6. Pernyataan di atas adalah merujuk kepada maksud

- A. *Qanun 'Uqubat*
- B. Hukum *Munakahat*
- C. *Siyasah Syar'iyah*
- D. Hukum *Muamalat*

"*Allah tidak memberati seseorang melainkan apa yang terdaya olehnya.*"

- surah Al-Baqarah: 286

7. Apakah yang dijelaskan dalam maksud ayat al-Quran di atas?

- A. Islam adalah agama yang mudah
- B. Islam agama yang membebaskan umatnya
- C. Sesuatu ibadat itu akan dirasakan berat sekiranya seseorang itu sukar beramal dengan ajaran Islam
- D. Semua umat Islam mampu melakukan sesuatu ibadat sekiranya mereka berniat ikhlas kerana Allah SWT

8. Berikut adalah contoh-contoh keringanan yang diberikan oleh Allah SWT dalam aspek ibadat, **kecuali**

- A. Meninggalkan solat bagi warga emas
- B. Solat *Jamak* dan *Qasar* bagi para musafir
- C. Solat dalam keadaan duduk bagi mereka yang tidak mampu berdiri
- D. Berbuka puasa bagi wanita hamil yang risaukan tentang diri sendiri dan anak dalam kandungan

9. Empat sumber utama bagi hukum *fiqh* mengikut urutan keutamaan adalah
- Al-Quran, Al-Sunnah, al-Hadis, *Al-Qias*
  - Al-Quran, Al-Sunnah, *Al-Ijmak*, *Al-Qias*
  - Al-Quran, Al-Hadis, *Al-Qias*, *Al-Ijtihad*
  - Al-Quran, Al-Hadis, *Al-Qias*, *Al-Ijmak*

Perkara yang dituntut oleh syara' melakukannya tetapi dengan tuntutan secara tidak muktamad dan diberikan pahala jika melakukannya serta tidak berdosa jika meninggalkannya.

10. Pernyataan di atas adalah merujuk kepada maksud istilah dalam ilmu *fiqh* iaitu
- Wajib
  - Mandub*
  - Fardhu 'Ain*
  - Fardhu Kifayah*
11. Pilih pernyataan yang **benar** mengenai kitab Al-Quran
- Kalam Allah yang diturunkan kepada Nabi Muhammad SAW untuk mengeluarkan manusia daripada kegelapan kufur kepada cahaya keimanan
  - Al-Quran menerangkan perkara *aqidah* secara terperinci
  - Al-Quran menerangkan perkara *ibadat* secara terperinci
  - Al-Quran menerangkan perkara *muamalat* secara umum
- i dan ii
  - i dan iii
  - i, ii dan iv
  - semua yang di atas

Suatu perkara yang sama sahaja hukumnya sama ada melaksanakannya atau meninggalkannya.

12. Pernyataan di atas adalah merujuk kepada maksud istilah dalam ilmu *fiqh* iaitu
- Nafal*
  - Mubah*
  - Mandub*
  - Mustahab*

13. Antara hikmah Islam menuntut umatnya supaya bersuci adalah disebabkan oleh tuntutan fitrah kejadian manusia. Ini bermaksud
- A. Islam menuntut supaya bersuci supaya dapat memuliakan manusia
  - B. bersuci dapat menjauhkan manusia daripada pelbagai jenis penyakit
  - C. manusia suka kepada kebersihan dan secara *tabi'i* manusia tidak suka kepada kekotoran
  - D. umat Islam dituntut berdiri mengadap Allah dalam keadaan suci dan bersih daripada segala kotoran
14. Ali mendirikan solat setelah berwuduk dengan menggunakan air laut. Apakah hukum solat beliau?
- A. Sah kerana air laut adalah air yang boleh dibuat bersuci
  - B. Makruh kerana air laut terdedah kepada panas mentari
  - C. Tidak sah kerana air laut telah bercampur dengan pelbagai kotoran
  - D. Tidak sah kerana air laut tidak boleh dibuat bersuci
15. Perkataan *solat* dalam bahasa Arab bermaksud
- A. doa
  - B. sujud
  - C. berdiri
  - D. keampunan
16. *Ibadah Badaniyyah* yang paling *afdhal* dalam Islam ialah
- A. haji
  - B. solat
  - C. puasa
  - D. zakat
17. Ahmad meninggalkan solat dengan sengaja kerana ingkar akan hukum wajibnya. Berikut adalah benar mengenai situasi orang seperti Ahmad, **kecuali**
- A. wajib mengqadhakan solatnya
  - B. terkeluar dari agama Islam atau kafir
  - C. wajib bertaubat *nasuha* dan kembali mendirikan solat
  - D. tidak wajib hukum bunuh sekiranya beliau ingkar untuk bertaubat

18. Bilakah bermulanya waktu solat Maghrib?
- A. Ketika terbit fajar *sodiq*
  - B. Apabila matahari gelincir
  - C. Apabila hilangnya *syafaq* merah di kaki langit
  - D. Apabila matahari terbenam dan berterusan hingga *syafaq* merah hilang
19. Apakah maksud fajar *sodiq*?
- A. Warna merah yang kelihatan di kaki langit
  - B. Cahaya yang menyerlah di sepanjang ufuk timur
  - C. Warna merah yang kelihatan apabila matahari mula muncul
  - D. Warna merah yang kelihatan di kaki langit apabila matahari mula terbenam
20. Antara waktu makruh bersolat ialah
- A. sebelum solat subuh
  - B. solat selepas waktu 'Isyak
  - C. solat antara waktu Zohor dan Asar
  - D. selepas solat Asar sehingga matahari terbenam
21. Aminah telah menunaikan solat zohor bersendirian di masjid, setelah beliau selesai solat terdapat jemaah yang baru sampai dan menunaikan solat Zohor secara berjemaah. Aminah bingkas bangun mengulangi solat Zohor bersama-sama jemaah tadi. Apakah hukum Aminah mengulangi solat beliau?
- A. Harus
  - B. Wajib
  - C. Sunat
  - D. Makruh
22. Radhi meninggalkan solat kerana terlupa. Apakah hukum bagi mereka yang berada dalam situasi seperti Ali?
- A. Berdosa dan wajib segera mengqadha'kan solatnya
  - B. Berdosa dan tidak wajib segera mengqadha'kannya
  - C. Tidak berdosa dan wajib segera mengqadha'kannya
  - D. Tidak berdoasa dan tidak wajib segera mengqadha'kannya

Perkara yang wajib dilakukan dalam sesuatu amalan kerana ia adalah sebahagian daripada hakikat amalan tersebut.

23. Pernyataan di atas adalah merujuk kepada maksud?
- A. Rukun
  - B. Syarat
  - C. Wajib
  - D. *Tatauwu'*
24. Pilih pernyataan yang **benar** sahaja
- i. Kanak-kanak tidak wajib solat kerana mereka bukan *mukallaf*
  - ii. Wajib solat bagi orang gila yang telah pulih daripada penyakit gilanya
  - iii. Orang kafir tidak wajib solat tetapi wajib menerima azab siksaan di akhirat
  - iv. Orang kafir tidak wajib solat dan tidak akan menerima siksaan di akhirat kelak
- A. i sahaja
  - B. i dan ii
  - C. i, ii dan iii
  - D. i, ii dan iv
25. Rukun solat terdiri daripada berapa perkara?
- A. Sepuluh
  - B. Sebelas
  - C. Dua belas
  - D. Tiga belas
26. Apakah hukum melaungkan azan sebelum solat?
- A. Harus
  - B. Sunat
  - C. Wajib
  - D. Makruh
27. Aminah melakukan solat dalam keadaan keseluruhan dahinya tertutup oleh *niqab*. Apakah hukum solat beliau?
- A. Sah
  - B. Makruh
  - C. Tidak Sah
  - D. Harus *Qadha'*

28. Ani melakukan solat berhampiran dengan hidangan makanan yang menyelerakan. Apakah hukum solat dalam keadaan demikian?

- A. Harus
- B. Sunat
- C. Haram
- D. Makruh

Ismail menunaikan solat Zohor dalam keadaan beliau terlupa membaca *tasyahhud* awal.

29. Apakah tindakan yang perlu dilakukan oleh Ismail setelah beliau menyedari perkara tersebut?

- A. Ismail wajib mengulangi solatnya
- B. Ismail harus meneruskan solat sehingga habis seperti biasa
- C. Ismail wajib memberhentikan solatnya dan mengulanginya pada masa lapang
- D. Ismail perlu meneruskan solat seperti biasa dan sunat baginya menambah dengan sujud *sahwi* di akhir solat.

30. Apakah hukum meninggalkan doa *iftitah* ketika bersolat?

- A. Harus
- B. Sunat
- C. Haram
- D. Makruh

31. Hukum solat berjemaah selain daripada solat Jumaat ialah?

- A. Wajib
- B. *Sunat Muakkad*
- C. *Fardhu 'Ain*
- D. *Fardhu Kifayah*

32. Apakah hukum makmum yang terkemudian satu rukun daripada imamnya ketika melakukan solat?

- A. Harus
- B. Sunat
- C. Haram
- D. Makruh



33. Seorang lelaki solat berdiri menjadi makmum kepada imam yang bersolat duduk. Apakah hukum solat lelaki yang menjadi makmum tersebut
- A. Sah
  - B. Tidak sah
  - C. Perlu mengulang semula solatnya
  - D. Perlu mengqadha' semula solatnya
34. Jarak antara imam dan makmum yang berada dalam satu kawasan luas, disyaratkan tidak melebihi?
- A. 50 meter
  - B. 100 meter
  - C. 150 meter
  - D. 200 meter
35. Puasa bulan Ramadhan difardhukan pada
- A. bulan Ramadhan tahun pertama hijrah
  - B. bulan Ramadhan tahun kedua hijrah
  - C. bulan Syaaban tahun pertama hijrah
  - D. bulan Syaaban tahun kedua hijrah
36. Pernyataan berikut adalah benar, **kecuali**
- A. orang yang mengingkari kewajipan puasa Ramadhan dianggap sebagai *kafir*
  - B. orang yang tidak berpuasa kerana lalai dianggap sebagai orang *kafir harbi*
  - C. orang yang tidak berpuasa tanpa mengingkari kewajipannya dianggap sebagai orang *fasiq*
  - D. orang yang mengingkari kewajipan puasa Ramadhan wajib bertaubat sebagaimana orang *murtad*
37. Berikut adalah hikmah disyariatkan puasa Ramadhan, **kecuali**
- A. puasa Ramadhan dapat melatih umat Islam menunaikan hak Allah
  - B. puasa Ramadhan dapat mewujudkan kasih sayang sesama umat Islam
  - C. puasa Ramadhan dapat mewujudkan sifat *mazmumah* dalam diri seorang Muslim
  - D. puasa Ramadhan dapat melatih umat Islam supaya bersifat sabar dan bersederhana dalam kehidupan

38. Manakah antara berikut **bukan** merupakan syarat wajib puasa?
- A. Islam
  - B. *Mukallaf*
  - C. *Mumayyiz*
  - D. Tiada sebarang keuzuran yang menghalangnya berpuasa
39. Pilih pernyataan yang **benar** sahaja
- i. Orang yang pitam sepanjang hari tidak wajib berpuasa
  - ii. Orang kafir tidak diwajibkan berpuasa tetapi sah puasanya
  - iii. Orang kafir tidak diwajibkan berpuasa dan tidak sah puasanya
  - iv. Tidak sah puasa seorang kanak-kanak yang belum *mumayyiz*
- A. i dan ii
  - B. i dan iii
  - C. ii dan iv
  - D. i, iii dan iv
40. Shifa' berpuasa Ramadhan dan berniat puasa tanpa menentukan jenis puasanya, apakah hukum puasa beliau?
- A. Sah puasanya kerana beliau telah berniat
  - B. Harus puasanya kerana beliau telah berniat
  - C. Makruh puasanya kerana beliau berniat tanpa menentukan jenis puasanya
  - D. Tidak sah puasanya kerana beliau berniat tanpa menentukan jenis puasanya
41. Niat puasa adalah termasuk dalam?
- A. Adab puasa
  - B. Rukun puasa
  - C. Syarat sah puasa
  - D. Syarat wajib puasa

42. Manakah antara pernyataan berikut **tidak benar** tentang puasa?
- Niat puasa Ramadhan wajib diulangi setiap malam sebelum terbit fajar
  - Tidak batal puasa seseorang sekiranya beliau makan dengan tidak sengaja
  - Suntikan melalui dubur boleh membatalkan puasa seseorang kerana ia adalah ruang yang tidak terbuka
  - Puasa seseorang terbatal sekiranya lalat atau nyamuk masuk ke dalam rongga tubuhnya
- A. i dan ii  
B. i dan iii  
C. ii dan iv  
D. iii dan iv
43. Nurul telah menitiskan cecair 'eye-mo' ke dalam matanya ketika beliau sedang berpuasa Ramadhan. Apakah hukum puasa beliau?
- A. Batal puasanya kerana mata adalah ruang yang terbuka  
B. Tidak batal puasanya kerana mata bukanlah ruang yang terbuka  
C. Batal puasanya kerana cecair titisan tersebut mengalir ke dalam rongga tubuhnya  
D. Tidak batal puasanya kerana beliau menitiskan cecair tersebut kerana kemaslahatan
44. Berikut adalah adab ketika berpuasa **kecuali**
- A. segera berbuka  
B. melewati sahur  
C. menentukan niatnya  
D. berdoa sebelum berbuka
45. Pilih pernyataan yang **benar** sahaja
- Harus berbuka puasa bagi seseorang yang bermusafir kurang daripada dua marhalah
  - Orang sakit yang meninggalkan puasanya, wajib mengqadha'kannya sebelum tiba bulan Ramadhan berikutnya
  - Orang yang sakit berterusan sehingga masuk bulan Ramadhan yang lain, wajib mengqadha'kan puasanya tanpa perlu membayar fidyah
  - Orang yang meninggal dunia sebelum sempat mengqadha'kan puasanya sedangkan dia mampu, wali disunatkan berpuasa bagi pihaknya
- A. i sahaja  
B. i, ii dan iii  
C. ii, iii dan iv  
D. semua yang di atas

46. Berikut adalah pernyataan mengenai *kaffarah* puasa Ramadhan, manakah yang **tidak benar**?
- A. *Kaffarah* hanya wajib dikenakan ke atas suami yang melakukan persetubuhan
  - B. *Kaffarah* hanya wajib dikenakan ke atas suami dan isteri yang melakukan persetubuhan
  - C. Orang yang melakukan persetubuhan pada siang hari bulan Ramadhan, sedangkan dia berpuasa wajib membayar *kaffarah*
  - D. *Kaffarah* yang wajib dibayar kerana membatalkan puasa Ramadhan dengan persetubuhan ialah membebaskan dua orang hamba sahaya yang beragama Islam lelaki dan perempuan
47. Apakah tujuan seseorang Muslim itu digalakkan berpuasa sunat?
- A. Supaya tidak berasa kekok untuk berpuasa wajib
  - B. Dapat menggantikan amalan puasa wajib yang tertinggal
  - C. Sebagai gambaran ketaatan kita kepada perintah Allah SWT
  - D. Untuk meningkatkan ketaqwaan dan perhambaan diri kepada Allah SWT
48. Apakah yang dimaksud dengan puasa sunat Hari Arafah?
- A. Puasa hari kesepuluh bulan Muharram
  - B. Puasa hari kesepuluh bulan Muharram
  - C. Puasa pada 9 Zulhijjah bagi mereka yang menunaikan ibadat haji
  - D. Puasa pada 9 Zulhijjah bagi mereka yang tidak menunaikan ibadat haji

*"Jangan sesiapa pun di kalangan kamu berpuasa pada hari Jumaat kecuali berpuasalah juga pada hari sebelum dan selepasnya."*

Hadis Riwayat al-Bukhari dan Muslim

49. Hadis di atas merupakan dalil kepada?
- A. Sunat berpuasa pada hari Jumaat sahaja
  - B. Harus berpuasa pada hari Jumaat sahaja
  - C. Haram berpuasa pada hari jumaat sahaja
  - D. Makruh berpuasa pada hari Jumaat sahaja
50. Aizat telah berbuka puasa sunat tanpa sebarang sebab, apakah hukum seseorang yang berada dalam situasi Aizat?
- A. Harus
  - B. Sunat
  - C. Haram

- D. Makruh
51. Arfah telah berpuasa *qadha'* pada hari yang ke-30 bulan Sya'ban. Apakah hukum puasa beliau?
- A. Sah
  - B. Tidak Sah
  - C. Harus
  - D. Makruh
52. Pengertian zakat dari sudut bahasa ialah
- A. harta
  - B. bersih
  - C. timbangan
  - D. tambahan
53. Pilih pernyataan yang **benar** tentang zakat
- i. Zakat dapat membersihkan harta daripada sebarang perkara *syubhah*
  - ii. Zakat dapat menjadikan umat Islam menjadi lebih kaya dan berharta
  - iii. Zakat adalah rukun Islam yang paling penting dan disyariatkan pada tahun kedua hijrah
  - iv. Zakat difardhukan terlebih dahulu ke atas umat Islam sebelum ibadah puasa difardhukan
- A. i dan ii
  - B. ii dan iii
  - C. i, ii dan iii
  - D. semua yang di atas
54. Berikut adalah syarat wajib mengeluarkan zakat, **kecuali**
- A. Islam
  - B. Berakal
  - C. cukup *haul*
  - D. cukup *nisab*

55. Emas dan perak diwajibkan zakat sekiranya ia memenuhi kriteria berikut iaitu
- i. Ketulan emas dan perak
  - ii. Barang perhiasan wanita yang lebih daripada 96 gram
  - iii. Dinar emas yang dicetak menggantikan emas bagi sebarang tujuan
  - iv. Barang perhiasan emas bagi wanita yang kurang daripada 20 *mithqal*
- A. I dan II  
B. I, II dan III  
C. II, III dan IV  
D. semua yang di atas
56. Manakah binatang ternakan yang **tidak** dikenakan zakat?
- A. Unta  
B. Ayam  
C. Lembu  
D. Kambing
57. Pilih pernyataan yang **benar** sahaja
- i. Nisab bagi zakat tanaman bermula dengan 5 *ausuq*
  - ii. Nisab bagi zakat tanaman padi bermula dengan 180 liter
  - iii. Nisab bagi zakat ternakan lembu bermula dengan 30 ekor
  - iv. Nisab bagi zakat emas perhiasan bermula dengan 20 *mithqal*
- A. i dan ii  
B. ii dan iii  
C. i, iii dan iv  
D. ii, iii dan iv
58. Riduan telah menanggung pembayaran zakat perniagaan beliau sedangkan beliau mampu dan telah cukup *haul* serta *nisab*. Apakah hukum bagi mereka yang berada dalam situasi Riduan?
- A. Harus  
B. Makruh  
C. Berdosa  
D. Dimaafkan

59. Bagaimanakah situasi seseorang membayar zakat setelah cukup nisab tetapi belum cukup haul?
- A. Zakatnya tidak dikira
  - B. Zakatnya tidak dikira dan beliau perlu mengeluarkan zakat lagi setelah cukup haul nanti
  - C. Zakatnya dikira dan tidak perlu mengeluarkan zakat lagi apabila cukup haul nanti
  - D. Zakatnya dikira tetapi beliau perlu mengeluarkan zakat lagi apabila cukup haul nanti
60. Berikut adalah golongan penerima zakat, **kecuali**
- A. Amil
  - B. Fakir
  - C. orang yang memberi hutang
  - D. orang yang berjihad pada jalan Allah
61. Berikut adalah perkara sunat yang perlu dilakukan oleh ahli keluarga apabila seseorang itu berada dalam keadaan nazak, **kecuali**
- A. membaca Talqin
  - B. membaca ayat-ayat al-Quran
  - C. mengajarkannya dua kalimah syahadah
  - D. membaringkannya menelentang dengan mukanya ditinggikan sedikit supaya mengadap qiblat
62. Apakah hukum menguruskan jenazah dalam Islam?
- A. Wajib
  - B. Sunat
  - C. Harus
  - D. Sunat muakkad
63. Memandi, mengkafan, menyembahyang dan mengebumikan jenazah adalah proses pengurusan jenazah dalam Islam? Apakah hukum keempat-empat urusan tersebut ke atas semua orang Islam yang berada di tempat kematian?
- A. *Fardhu*
  - B. *Fardhu 'Ain*
  - C. *Fardhu Kifayah*
  - D. *Sunat Muakkad*

64. Apakah hukum seorang wanita memandikan mayat suaminya?
- A. Harus
  - B. Wajib
  - C. Sunat
  - D. Makruh
65. Apakah tujuan utama Islam mensyariatkan mandi jenazah?
- A. Amalan Rasulullah
  - B. Untuk mewangikannya
  - C. Untuk memuliakan dan membersihkannya
  - D. Untuk menanggalkan segala kotoran pada tubuh si mati
66. Apakah hukum mengkafankan jenazah dengan kain yang bukan berwarna putih?
- A. Harus
  - B. Wajib
  - C. Sunat
  - D. Makruh

*"Rasulullah SAW bersedih atas kematian an-Najasyi, lalu Baginda keluar ke tempat solat, berbaris bersama para sahabat dan bersolat sebanyak empat kali takbir."*

67. Hadith riwayat Bukhari dan Muslim di atas adalah dalil yang menunjukkan?
- A. Keharusan solat jenazah
  - B. Pensyariatan solat jenazah
  - C. Cara melaksanakan solat jenazah
  - D. Kaedah melaksanakan solat jenazah
68. Apakah tujuan utama solat jenazah dilaksanakan?
- A. Menyucikan jenazah
  - B. Mendoakan jenazah
  - C. Memuliakan jenazah
  - D. Menambah pahala kepada jenazah



69. Apakah yang perlu dilakukan sekiranya mayat yang dikebumikan tidak diletakkan mengiring ke sebelah kanan dan tidak pula mengadap kiblat?
- A. Tidak perlu buat apa-apa
  - B. Boleh gali semua atau tidak
  - C. Teruskan urusan pengebumian jenazah hingga selesai
  - D. Wajib digali semula untuk mengubah kedudukan mayat ke arah qiblat
70. Apakah hukum kaum lelaki mengiringi jenazah ke kubur?
- A. Harus
  - B. Wajib
  - C. Sunat
  - D. Makruh
71. Ani berhasrat untuk mengiringi jenazah sahabatnya Aiza ke kubur. Apakah hukum seorang wanita mengiringi jenazah ke kubur?
- A. Harus
  - B. Sunat
  - C. Makruh
  - D. Tidak disunatkan
72. Pilih pernyataan yang **benar** mengenai adab mengiringi jenazah.
- i. Membawa jenazah dengan keranda
  - ii. Mengiringi jenazah dengan berjalan kaki
  - iii. Bercakap-cakap ketika mengiringi jenazah
  - iv. Berjalan di hadapan dan berdekatan dengan jenazah
- A. i dan ii
  - B. ii dan iii
  - C. i, ii dan iv
  - D. ii, iii dan iv
73. Apakah hukum mengucapkan takziah kepada waris si mati selepas 3 hari kematiannya?
- A. Harus
  - B. Wajib
  - C. Sunat
  - D. Makruh

74. Berikut adalah perkara *bid'ah* terhadap jenazah, **kecuali**

- A. Membuat binaan di atas kubur
- B. Membaca ayat-ayat al-Quran di sisi jenazah
- C. Membawa jambangan bunga ke kubur
- D. Membuat bising ketika upacara pengkebumian berlangsung

Penyembelihan pada leher binatang di sebelah atas halkum mengikut syarat yang ditetapkan oleh syarak.

75. Pernyataan di atas adalah maksud kepada cara penyembelihan?

- A. *Al-'Aqru*
- B. *Al-Nahru*
- C. *Al-Zabhu*
- D. *Al-Tazkiah*

76. Ali melakukan sembelihan tanpa menyebut nama Allah. Apakah hukum menyebut nama Allah ketika melakukan sembelihan?

- A. Harus
- B. *Bid'ah*
- C. Wajib
- D. Sunat

77. Apakah hukum memakan sembelihan yang dilakukan oleh kanak-kanak dengan mengikut adab dan syarat sembelihan yang telah disyariatkan?

- A. Halal dimakan
- B. Sunat dimakan
- C. Haram dimakan
- D. Makruh dimakan

78. Aziz melakukan sembelihan dengan menggunakan tembaga yang tajam. Apakah hukum sembelihan dalam situasi Aziz?

- A. Sah sembelihannya
- B. Haram sembelihannya
- C. Makruh sembelihannya
- D. Tidak sah sembelihannya

79. Pilih pernyataan yang **benar**.
- A. Bangkai ayam halal dimakan
  - B. Bangkai ayam haram dimakan
  - C. Bulu kambing yang dipotong ketika hidup adalah haram
  - D. Kaki kambing yang terpotong ketika hidup halal di makan
80. Kambing yang disembelih oleh Ramli mempunyai janin dalam perutnya setelah dilakukan proses melapah. Apakah hukum memakan janin tersebut?
- A. Halal
  - B. Sunat
  - C. Haram
  - D. Makruh

- *Kertas Soalan Tamat* -